

唐谱表

敕定欧阳氏家谱生字号

冀州渤海郡重合县、都寿乡仁桂里欧阳裔记

晋司空清河崔琳上

宋太保琅琊王宏上

齐太尉、文宪王俭上

梁御史中丞、王僧孺上

梁尚书中丞、兵部马将，贾贇上

唐贞观元年，中书令，臣韩约上

唐吏部尚书，臣高士廉上

唐中书舍人，臣徐令言上

敕定欧阳氏历代旧谱，开悟晚生，并状申上，入京藏之。亲疏合属，宗支各录一道，以传不朽耳。盖谱书姓氏之本系；家代之纪纲；道一宗之原，通五行之统，人伦根蒂，君子贵之。古今相传，班序具定，以长幼尊卑叙官阶之大小。问源，则不惑，问世，则不疑。欧阳氏者越王之裔，颛顼其始祖也。越王无疆之子，封於鸟程欧余山之阳，为欧阳亭侯，因以为氏属。秦代项羽之

难，人仕汉高祖，拜散骑都尉，兼涿郡太守，即今幽州范阳是也。夫人楚春申君之女，生一子睦，字安仁，授太子舍人，累迁丞相。睦夫人陈氏，生一子钦，儒学精专，为博士。钦夫从张氏生三子容、述、兴，少同受业於济南伏生者，容为博士。夫人夏侯氏生子巨，拜博士，迁扬州刺史。夫人戴德之女，生一子远、字淑游，举孝廉，为郎。进士登科，累迁博士。远夫人倪宽之女，生一子高，高夫人孔安国之女，生一子扬章，字仲仁，讲学至博士。仲仁夫人赵氏，生一子地余，字长宾，拜石渠先生，太学博士。地余夫人戴氏，生二子，崇政。政为人俭约，有德业，讲书传，拜博士。政夫人孙氏，生一子歙，字正思。撰儒林传，拜博士。自和伯以後，至歙，八代为国博学士，累世务学如是。皆允文允武，光国光家。汉世冯陵簪缨不绝。故世号为大小欧阳尚书，各传史籍。子孙既广，遂即居於冀州渤海郡重合县都寿乡仁桂里。其後有欧阳联举及弟。道之、纯之、昆季并属永嘉。晋室南迁，衣冠姓氏悉移江左，遂即居润州丹阳句容县。吴都毗陵豫章、南昌、庐陵、宜春、长沙等郡。悉垂其允，以後子孙，由是或因官宦而显仕；或習林泉而息止。可谓金枝流於江表；玉叶茂於远方，且历世久长，子孙盛广，遂成桑梓。自汉、魏、晋、宋、梁、

陈、隋迄今至大唐。故知国有史，家有谱牒，以显幽微，用传後世。兼出夏姚二十二家，如夏侯氏、姚氏、欧阳氏、娄氏、稽氏、顾氏、戈氏、韩氏、区氏、郁氏、畦氏、徐氏、寻氏、扈氏、灌氏、斟氏、杞氏、储氏、共连氏、鲍氏、左氏、窦氏。谨录自唐朝以後，询翁、高祖讳远，字景达，累官至南齐大夫。曾祖宝。字士章、棲迟衡宇，不求闻达，为当世儒宗著、五经义疏及典籍危疑。皆精制撰尚书异同三卷。每校书未尝不尽其事。後为济南屯骑校尉，荔浦县令。祖頔，字世靖，禀性质直，行己笃信，赀财累积，悉逊诸兄弟，累召辟不就。结庐於湘州麓山寺旁，专精学业，通贯群收，撰、友弟论。”三十卷。时，侯景既平，天下急梁元帝向宰相卿等，各举所知，众人未有奉对。帝乃四顾曰：“欧阳頔为人公正有经济才。”乃授武州刺史，散骑常侍，衡州刺史，进封始兴县侯，累迁镇南将军，平越中郎将，广州刺史，加封开府仪同三司，征南大将军。薨，文赠“司空”，谥曰“穆”。诗书有传。夫人兰氏，生二子，纘、约。纘字奉圣，有干略，袭父爵，为广州刺史。在州十余年，威惠著於南越，封渤海郡公，後不得其终。生子询、亮、德、器等。询子信本，亦曰字少信。好学，又工书翰，飞白尤妙。辟为司空，东阁祭酒五礼学士。陈

崩，入隋，为太学博士。入唐，为给事中，太学率更令，宏文馆学士，银青光禄大夫，封渤海开国公，食邑五千户。赐紫金鱼袋，赠越州都督。撰艺类百卷，及诸碑碣不可数也。敕葬长沙临湘乡书堂山。即今石株夫人徐氏，生三子，肃、信、通。通字通、司。拜兰台郎，迁驾部司勋郎中，又拜中书舍人，怀州刺史，卫，尉卿殿中监，兵部尚书，太常卿，刑部侍郎，金紫光禄大夫，袭渤海郡，进封开国子，同中书门下平章事。则天后废中宗，立武承嗣为储君，公独不从。洒泪进折邪之说，请立睿宗为太子，不从见杀。神龙元年，有敕请雪，释还家产官荫，特立庙，兼赐一子官继嗣焉。夫人胡氏，生二子，幼明、幼让。明字仲廉，少得祖询之妙墨，因事扑鼠，年十九而没。夫人陆氏，生一子和，一名昶，字思制。授官邻王府参军，申王府率更令，太子文学，石州别驾，又苏州别驾，兼权知采访留，後事、至中散大夫，袭渤海郡开国子。生二子，璋、琮，璋字崇文，官至福州侯官县令，具官阶昭穆。又安成欧阳氏，即今太守琮翁之後。立墓在袁州萍乡石羊狮子冈。其八代孙彪、彤、万等，继踵为安福令。以隋朝大业元年乙丑正月十二日终於吉州庐陵郡安福县中鹄乡，折桂里新阳冲。纂集於县，一千七百余。人。更依世家，祭祀不绝。其墓在县南新阳

冲北，今有四祖坟，现在（以上六十七疑有脱误）欧阳氏者起自汉武帝，以後于晋、宋、齐、梁、陈、隋，大业中各随仕宦，子孙处处有之。至大唐太宗皇帝贞观六年，敕采诸州欧阳氏大族，袁、吉、衡三州欧阳氏者，晋时渡江南以来，同是一支，更无别有也。

敕赐欧阳氏家谱，付将仕郎守崇长等。

大塘贞观六年十月 日下

尝阅文忠公谱序，有曰所藏旧谱，前列晋司空云云。凡六七撰，官名氏重定其谱，向未解其义。

遍观各谱序，有唐代敕修之说，怀疑久之。往年，因证本派托堂之误，访族，至永和宗老鉴，乃姻於谱者。出示此一通楷书若诰敕，楮亦异常，玺识宛然，必唐太宗时所颁於率更令公者也。尽搜各谱，无一刻此者。惟统宗谱存。其撰官名氏而无其文。所获奉议，建寅二谱则有之。此实昔年文忠公作谱张本也。考唐表，自紫金鱼袋止，赠越州以下，後人续之。敕修家谱，他姓罕有。倘非柏公大力合修通谱，谁为搜罗，得永和鉴公之示乎？即奉议建寅二谱，有之，亦不能遍六宗矣！今刻存篇首，传之後世，与我邑子孙共宝之。

嗣孙春谨识

沙溪前序吉州庐陵县儒林乡欧桂里集本欧阳氏之先，本出於夏禹之苗裔，自帝少康封其庶子於会稽，使守禹祀，传二十余代五字一作历夏商周以世相传，至於允常。允常之子曰勾践，是为越王。越王勾践卒，子王鼠与立。自鼠与传五世，至王无疆，为楚威王所天。其诸族子分散，争立。宾於江南海上，皆受封於楚。有封於欧阳亭者，为欧阳亭侯。在今湖州欧余山之阳，三十六字一作而无疆之子蹄封于乌程欧余山之阳为欧阳亭侯。其後子孙遂以为氏。汉高祖灭秦，得无疆之七世孙，一有闽君二字摇，复以为越王，使奉越後。而欧阳亭侯者之後有仕汉为涿郡太守者，子孙遂居於北。一居冀州之渤海，一居青州之千乘，其居千乘四字一作千乘之显者曰一有生字二字和伯，仕於汉世，为博士，以经名家，所谓欧阳尚书者是也。其居渤海四字一作渤海之显者仕於晋。最显一无五字曰建。字坚石。所谓渤海赫赫，欧阳坚石者是也。建遇赵王伦之乱见杀。其兄子质，以其族奔於长沙。由是子孙复於南，仕於陈者曰頎。威名著於南海。頎之孙曰询询之子通，仕於唐，尤显，皆为名臣。其世居长沙，犹以渤海为封。望自通三世生琮，琮为吉州刺史，子孙因家焉，今为吉州吉水人也。自琮八世生万，万为安福县令。万生和，和生雅，雅生效，效生诤，诤

生皇，高祖府君。府君生子八人於世。次为曾祖，今图所列子孙皆出於八子。自安福府君以来，遭唐末五世之乱，陷於僭伪，欧阳氏遂不显。然世为庐陵大族，而皇祖一有二乡二定府君以儒学知名当世，至今名其所归乡曰儒林云。及宋兴，天下一，八祖之子孙稍复出而仕宦。然自宋兴三十年，而吾先君伯父、叔父，始以进士登於科者四人。後又三十年，某与丽兄之子乾曜登於科，今又殆将三十年矣。以进士仕者又仅二人。盖自八祖以来，传六十八年，或绝或微，分散扶疏，而其达仕进者，何其迟而又少也。今某获承祖考之余休，列官於朝，叨窃宠，过其涯分，而才卑能薄，泯然自将老死於无闻。夫无德而禄，辱也。适足以为身之女，尚敢以为亲之显哉？呜呼！自通而上，其行事见於于史，自安福府君而下，遭世故而无所施焉。某不幸幼孤，不得备闻祖考之遗德。然传於其家者，以忠事君，以孝事亲，以廉为吏，以学立身。吾先君诸父之所以行於其躬，教於其子孙者，获承其一二矣。某又尝闻长老言，黄巢攻破江西，府县时，吉州尤被其毒。欧阳氏率乡人捍贼，赖以保全者千余家，子孙宜有被其阴德者。顾某不肖，何足以当之。传曰：“积善之家必有余庆。今八祖之子孙甚众，苟吾先君诸父之行於其躬，教於其子孙者，守而不失，其必有当之者矣。

故图其世次，传於族人。又志其石，以待自八祖以来迁徙、婚嫁、官封、名谥，与其行实，则具於谱。

宋嘉祐四年己亥四月庚午

嗣孙修谨识